

東臺縣志卷之十一 考五

水利 下 閘壩 堤圩 橋梁渡口

閘壩

小洋口閘 在縣治南百九十里枧茶場黃沙洋頭總

界內乾隆四十二年邑人蔡羹等請建經鹽政寅奏

准至五十九年始建三孔石閘一座每孔各寬一丈

三尺令枧茶豐利兩場大使輪管旋為海潮衝圯議

者謂土性浮鬆實監其事者之未力也

附蔡羹請建小洋口閘呈略曰通屬之枧茶豐利掘
港三場廣袤二百餘里為泰東通如四州縣下河卑
窪地方面枧尤最窪眾水匯歸形同注釜其下游接
界之范公隄內有黃沙洋大小二口留為宣洩內水

東臺縣志 卷之十一 水利

歸海之處自乾隆元年因海潮灌入此口遂築壩堵
塞壩連范隄橫截尾間自此三場水無去路是年即
有盜決隄工之案嗣雖設有涵洞數處下板啟閉每
遇雨水稍大即漲溢出槽宣洩不及以至淹斃多人
前通分司陳議添新涵四座改舊涵三座三十四年
復被漫決四十年洋決今年復決皆於六月搶堵
至冬始竣夫三場田疇數萬頃民竈數萬家南阻於
通州高阜不能上引歸江東北阻於范隄攔截不能
下洩歸海當斯時也既不能不決隄以開洩水之門
及既決矣伏汛秋汛又不得不堵口以為禦潮之計
最可憐者欲決之頃不決不可明決不敢鳩堵之時
緩堵不得驟堵不能而且內水外潮患在同時交集
斷難決堵兼施惟有置閘則提板即可暢洩內水而
盜決以除下板即可捍禦外潮而搶堵不事一勞永
逸較之添設涵洞其功效相去遠矣

溪閘 在縣治北十八里明萬歷十一年巡按姚士

觀檄泰州知州李裕與小海閘同建舊係二孔乾隆

十二年改建五孔四磯心計石十一層高深一丈三尺二寸金門寬一丈六尺磯心各寬一丈二尺五寸五孔用板十槽相時啟閉東禦海潮西洩蚌沿梓辛河之水南洩富安豐串場河之水由閘入古河口歸海計一百八十里

小海正越閘二 在縣治北二十五里雍正七年泰州知州儲世暄改建一高深一丈四尺四寸磯心寬一丈二尺一高深一丈四尺四寸磯心寬一丈二尺七寸均兩孔一磯心金門均寬一丈六尺用板四槽相時啟閉東禦海潮西洩興化車路河烏金蕩之水由

東臺縣志

卷之十一

水利

二

閘入王家港海口歸海計一百五十里

草堰正閘 在縣治北二十八里雍正七年泰州分司王兆麟改建兩孔一磯心計石十四層高深一丈四尺七寸金門各寬一丈六尺磯心寬一丈二尺五寸用板四槽相時啟閉東禦海潮西洩高郵興化湖河之水由閘入鬪龍港歸海計二百一十里

草堰越閘 在縣治葦子港乾隆十二年改建三孔兩磯心計石十一層高深一丈三尺二寸金門各寬一丈六尺磯心寬一丈二尺四寸用板六槽相時啟閉分洩草堰正閘異漲之水亦入鬪龍港歸海

按鹽法志海口洩水之處先因奸民有營種隄外草蕩爲稻田者不利開閘過水用土實填遂致有閘無板直待下河被水高阜盡沒然後開放康熙七年

命郎中木成格等履勘復遣大臣會同河漕撫臣相視悉啟

天妃石礎白駒諸閘申嚴其禁自此始收閘利 三

十八年建泰州何梁場草閘 雍正十三年巡鹽御

史尹會一以白駒場南中北三閘日久傾頽泥沙停

積鹽船起駁多累於巡費內動支銀九百兩重修

乾隆元年兩江總督趙宏恩題准白駒場南中北三

閘相隔寫遠令白駒場大使管理二閘安豐司巡檢

東臺縣志

卷之十一 水利

三

管理一閘石礎口一閘歸鹽城縣縣丞管理小海草

堰丁溪三閘各歸場大使管理廖家港草堰口二閘

歸新興場大使管理又王家港新洋港二處海口每

處應設犁船二隻混江龍二具每歲春秋二汛拖刷

二次每次以十日爲率王家港責成泰州州同新洋

港責成鹽城縣縣丞仍令東臺同知督令地方官公

同實力拖刷 四年河道總督高斌等會奏鹽城天

妃口無閘鹹水內灌高低皆不能收石閘決宜早建

又興化之白駒南中北三閘年久損壞均應修築三

閘外之引河亦宜疏通部議覆准興修 五年吏部

覆准總辦江南水利大理寺卿汪隆等以新建之天妃閘白駒三閘上崗北草堰二閘距該場司均屬窳遠請於天妃石礎二閘設閘官一員上崗北草堰二閘各設閘官一員二十一年總督尹繼善等奏准興化鹽城等處之天妃閘青龍閘及白駒南閘一切磯心閘牆均多損壞動支運庫銀兩委員勘估興修共用銀三萬四千六百五十七兩有奇二十六年六月工部議覆總督高晉疏稱劉莊場青龍入竈二閘逼近場署原係場員兼管至安豐司巡檢所管大團閘相距九十餘里難以遙制應請將大團閘歸併劉莊場大使就近兼管而各閘員向隸河工者并聽鹽政衙門兼轄應如所請以專責成其各閘應需閘板繩索等項銀兩准於運庫正項銀款內動支仍責成東臺同知督率辦理嗣後凡有修理閘務事宜動用運庫錢糧准令淮揚河道會同兩淮運使轉飭確估核詳河鹽二臣會辦奉

旨允行

按丁溪小海草堰五閘初屬場大使兼理乾隆十四年總督黃廷桂奏准將鹽城縣上崗北草堰兩閘官裁汰改爲丁溪海堰閘官三十九年總督高

晉奏准裁丁溪閘官改設富安巡檢所有閘務併歸海堰閘官兼管丁溪閘原設閘夫四名改建五孔閘後添設十一名小海草堰正越四閘原設閘夫二十七名內裁十二名爲富安巡檢弓兵共計閘夫三十名每名每季給工食銀一兩五錢在地丁正項下支給四十七年督撫會議每年三月初一日填土堵閉九月初一日開放不准逾期私啟立碑永遵又於嘉慶十一年革禁董事修換槽板誠爲良法但金門年久失修均多滲漏不能禦潮屢次請修未果是在專司水利者加之意也

東臺縣志

卷之十一

水利

五

青龍三閘

在富安西場濫泥河口明萬曆年間建中閘在賁家集口上閘在海安徐家壩

西溪減水閘

久廢

秦潼減水閘

在元真觀右今爲橋

唐家洋壩

東鹽壩

上下二副壩

西寺壩

西場

壩

以上富安

新竈壩

汨池壩

二丈壩

一丈壩

九孔滾水石壩

減水壩

以上安豐

休寧壩

南草壩

鹽壩

北草壩

單家壩

三孔滾水石壩

減

水壩

以上梁梁

南三竈壩

東鹽壩

東門壩

老壩

小壩

日暉壩

以上縣城

減水壩

老壩

金家壩

壩以上
何梁

以上各壩俱在范公隄上嘉慶五年勒石永禁開
放

附巡撫岳公永禁開放范隄各壩示略曰前據准運
司等具詳富安等場商人呈請開放東臺范隄等壩
洩水當經查得范隄東係竈地西係民田高下既相
懸殊豈可將鹽鹵之水洩入民河且各場竈地近海
本有河道可以疏濬宣洩何必繞道民河洩水致滋
訟端嗣據泰州東臺縣泰分司會勘詳請於減水日
暉等壩處所建立石椿高與包垣相平如水到椿頂
仍照舊制暫行開壩惟查當日建隄之意原為禦水
而設若又置壩洩水則何如不設此隄蓋無隄則有
水即流其勢尚緩若隄水既滿及隄壩放之則洪流
洶湧不論村廬田畝必受其殃總之竈地之水止可
歸海不便歸田范隄之堰止可培高不便建壩又據
縣民傅元宰等呈請嚴飭修隄速濬古河飭江藩司
妥議嗣據呈東臺等五場挑濬竈河及改建滾水石

東臺縣志

卷之十一

水利

六

壩節略圖說甚屬明晰惟查竈河瀆水有害稼穡斷
不可與民河爭流隄東各場若將竈河勤加疏浚不
使稍有淤淺即遇雨水過甚亦可直注歸海惟當將
各壩一體堵塞不必再設石椿並將隄坍缺處所全
行培高加厚一律鞏固使民竈兩不相涉庶可兩適
其宜至竈河及各海口淤墊已久俱應設法挑濬深
通隨時利導不致宣洩不及若竈河南高北窪慮水
乾涸而又恐壩多水滯欲行分別去留改建亦屬調
劑善後之法再據圖隄上有石橋數座與隄西民田
相通似亦俱宜堵塞據到縣查覆沿隄何梁北關橋
內有老壩間隔東臺三里橋日暉橋內有老壩日暉
壩間隔梁梁石橋有單家壩間隔安豐石橋內有汜
池壩間隔各壩均已修築完整加高培厚竈河之水
並不相通其安豐九孔平石橋梁梁三孔平石橋橋
孔低留一尺五寸至九寸五分俱在隄上洩水無多
實與民河無礙且橋設有年從無潰溢毋庸堵閉合
行勒石
永禁

嚴家滾水石壩

孫家滾水石壩

俱在東臺
場竈河內

中台滾

水石壩

在何梨場
竈河內

以上三壩舊皆土築嘉慶六年易之以石上承富
安安豐梁梁各場南來之水下由丁溪入王家港
鬪龍港歸海

趙家壩 在丁溪閘下迤北

老壩 在角斜舊場北

黃金壩 在縣治南門外

西溪鎮壩 久廢

秦潼鎮壩 明成化間巡鹽御史楊澄建泰州隄復以

隄東接秦潼造木閘土壩各一壩以蓄水閘以洩水

東臺縣志

卷之十一

水利

七

今鎮西壩是

老鼠洞 卽老樹孔在縣治東南七十五里西接泰州
南接如皋爲楊冒河流必經之地

越隄涵洞三 在嵇公隄下楫茶場大使姚德璘建

范家淺 在縣東南百六十里楫茶上運河接如皋界
隄圩

范公隄 一名捍海堰當縣治東西之中綿亘各場隄
之東屬竈隄之西屬民街市間閘多處其上隸縣境
者計二百十里南接如皋北接興化鹽城

晏溪志唐大厯元年黜陟使李承任淮南節度判官

憂海潮漲漫田疇盡費乃自楚之鹽城入揚之海陵約亘百餘里築堰以捍海民獲奠居農事鹽課兩受其益宋開寶中知泰州事王文佑增修之後漸頽圯天聖元年范仲淹監西溪鹽倉條其工役程度白運使張綸酌量移堰稍近西溪以避海潮衝擊仍壘土以固其外延袤迤邐如坡形不與水爭雖有洪濤不能爲患綸陳其事請以仲淹任興化令二年遂興斯役起自海陵東新城至虎墩卽今小海越小淘浦卽今安豐以南值隆冬雨雪連旬潮勢洶湧兵夫在泥濘中死者二百餘人會朝廷遣使按視將罷之後命胡令儀爲

兩淮都轉運使以察可否令儀常宰海陵熟知其利害乃抗章奏請必成之時仲淹丁母憂去任猶遺書堅綸志綸自請兼知泰州以總其役自五年秋越六年春堰成長二萬五千六百九十六丈六尺計百四十三里趾厚三丈面三之一崇半之版築堅固磚甃周密潮不能侵自是流移復業者三千餘戶人呼爲范公隄以仲淹力贊之也徽宗宣和中水勢奔衝淹沒田地周三百餘里乾道七年海潮復衝擊二千餘丈蓋堰雖跨三州而在通楚界者少故泰之損者獨多知州徐子寅興工修治因議請置鹽場官分治其

境場大使之設始此淳熙元年諸司復料工役以知泰州事

張子正請也就舊基形勢修築其鹽場竈所又別爲

隄岸以避潮汐而防廢壞即今馬路二年冬張子正以修

繕勤勞喪於河口知州魏欽緒接任竟其工八年提

舉趙伯昌奏請修葺紹定七年風潮逆猛又損四百

餘丈逾年乃克修築用錢一萬六千緡米二千九百

四十石其錢米則提舉司給皆辟於州郡然不能如

天聖中鞏固矣元至正二十七年提舉朱冠卿以堰

損於潮檄官同視復集兵夫節修五千餘丈迨詹士

龍令興化請發九郡人夫並築十有六月而成時獲

一方石上刻逢詹再修景祐二年八月仲淹記十三

字人多異之又新舊鹽法志明洪武二十三年潮發

捍海堰壞死者三萬人朝命起蘇松淮揚四府人夫

修築成化七年潮發死者二百餘人又命起淮揚二

府人夫修築成化十三年巡鹽御史雍泰正德七年

巡鹽御史劉繹嘉靖十九年海門令汪有執先後修

築萬曆十年都御史凌雲翼題准修築建洩水涵洞

水渠一十七座石閘一座十一年分司蔡文範十五

年巡撫楊一魁四十三年巡鹽御史謝正蒙兵道熊

尙文先後修築

國朝康熙間

命臺使重修雍正十一年

詔以范公隄爲沿海藩籬鹽場保障急應修築

命總督魏勘修之十二年河督高斌奏准於枧茶角斜等處
先後動支運庫銀三萬三百兩有奇陸續築固又隄
頂修開車道埠口每里設堡夫一名計程三百五十
六里共設堡夫三百五十六名每月每名給工食銀
五錢於運庫商捐項下支給卽募沿隄附近居民充
當無庸建造堡房祇令其朝來暮返每日挑積土牛
修補殘缺責成該地方河員查核乾隆五年大理寺

東臺縣志

卷之十一

水利

十

卿汪澐等疏角斜枧茶二場范隄殘缺加築格隄建
設涵洞十一年增修二十二年還築開洩河湖異漲
缺口二十四年鹽政高恒奏明通泰二州范隄修築
工程歸於鹽務分別緩急分年商捐辦理嘉慶四年
富安安豐等場海潮倒灌巡撫岳公起飭范隄各壩
加築堅固毋許開放十年河湖異漲十一十二十三
年漕隄屢決照乾隆七年十八年例開隄宣洩積水
後皆還築以防海溢

富安場范隄橫穿場中東自李家堡迤而西南至泰州
界長一千八百丈隄外列湖墩十

安豐場范隄南北界於富安梁梁之中長三千一百五十丈外列潮墩四

後因潮水為患竈長吳九霄告增今計十座

梁梁場范隄南接安豐北抵東臺長一千八百七十丈外列潮墩二

東臺場范隄即縣治自聚東門至梁梁三里菴長一千七百四十丈有奇外列潮墩十七

何梁場范隄南自聚東門迤邐至九里墩丁溪場界長一千四百四十丈外列潮墩二十三

丁溪場范隄南至何梁九里墩北至草堰界合小海而計長二千三百餘丈外列潮墩十

東臺縣志

卷之十一

水利

十一

草堰場范隄自丁溪北至劉莊合白駒而計共長五千一百四十餘丈外列潮墩十九

角斜場范隄東西皆連耕茶長三千四百九十丈有奇外列潮墩八

耕茶場范隄東南自黃沙洋起西北至角斜長五千六十丈有奇又嵇公隄長二百九十七丈又格隄橫鑿兩隄之中長二百九十丈有奇又李家堡隄自角斜至老鸛嘴富安界長二千一百餘丈又堵洋隄二十三丈在黃沙洋隄外列潮墩十六

中十場志運使陳暹議曰各場俱臨海邊潮水為患甚急宋范文正公修築海隄民獲其利迨至於今海

永漸遠於隄各場竈在隄內者少在隄外者多海潮一發人定受傷竈舍亦蕩後來議築望潮墩臺居民稍得趨避但各墩相去數里每墩復不容數人防患未廣應請於每年冬月停煎之後查照各場人丁多寡大約以十丁爲一甲行令各場官吏督率竈丁每甲一年築墩一座築完申司呈院查驗以課場官勤惰如此數十年之後墩臺接續漸積可以成隄而永無潮患乃百世之利目前之急務也

鹽法志乾隆十一年鹽政吉慶奏言亭場煎舍處所開有土墩而多寡有無或遠或近並不一律詢因煎舍離場窺遠大潮猝至奔走不及卽登墩避潮年深日久不加修築以致十墩九廢今通河商衆情願公捐工費修整增添以垂永久工竣後令各場大使造冊通詳仍不時查勘修補并造清冊咨部以備場員

東臺縣志

卷之十一

水利

十三

交代時考核 又曰兩淮二十三鹽場大率濱海而遠近不同平險各異通屬之掘港呂四三面環海餘東餘西則北海南江泰屬之東臺東去爲丁美舍逼近海口均稱險要前明設官軍竈勇公營防守我

朝武備精嚴狼山重鎮隨地汛防是以悉裁竈勇等營名目惟各場添設烟墩每墩置兵二名以時瞭望海上乃官辦也至潮墩則竈丁亭民自造以避潮患者然人力不齊海水變易而多寡興廢亦因之靡定焉

楊公隄 一名楊公堰自縣治西溪至泰州魚行莊亘百二十里爲運鹽河之捍堰

中十場志明成化七年御史楊澄巡視海上因運鹽河隄年深傾頽商鹽阻滯私販盛行兼之盜賊中途搶掠爲害最甚奉請築河隄一道合用椿木四萬三千價銀二千五百餘兩葦草七十餘萬東興工於十五年二月至四月隄成嗣後湮沒

國朝乾隆十八年泰州分司王又樸自於鹽政普公福疏准商捐修築尋被水圯二十三年鹽政高公恒重修又自青蒲角由大尖河至安豐場增修繹隄六十里更於秦潼等處增築南隄六十餘里建磚石橋梁多開涵洞以廣宣洩蒔葦植柳以禦風浪添設堡房

東臺縣志

卷之十一 水利

以司巡守法至良焉嘉慶十年淮黃異漲衝齧殘缺十一十二十三年異漲頻仍頽圯愈甚自青蒲角而東尙有餘址自秦潼而西隄址蕩然無存行旅皆以爲艱不獨鹽艘之難於輓運也

附王又樸移陳僉判公牘略竊某前署泰州分司任內審知秦屬十二場鹽必由秦潼淤溪以達秦壩此百餘里地面多係水泊并無繹路卽閒有田閒町疇可資牽挽者又多絕流斷港跋涉甚苦故凡舟楫往來惟候風揚帆風不便則皆用篙撐而已以致時日羈遲躑資多費更或遭險舟沉引鹽淹消累商重又捆載一至冬月水凍上下無路可通行旅裹足者至十數日公私病之乾隆七年前任陳君商同秦牧詳乞築隄并建橋梁以利運輓議者輒謂需金億萬計憚而中止及某至細審形勢似不至此乃偕此地有司再爲申請經委河弁議估又以水中築隄不能經久爲詞而上游亦令暫緩俟大工竣後再論該商量

力舉行時蓋以湖河蓄洩機宜一案正開濬各海河故也顧功特難於創苟有其基則繼此易易耳某因於卸事後不卽赴濡自以已力私築二十丈卽今屹立可按也計所用丈三金有奇引而伸之合橋梁各項約可二萬金則前此二說可知其誕妄不經矣乃至今六載有餘卒無爲之者夫天下事果有利於物雖費逾鉅萬而義士仁人猶捐已資爲之不辭而僅止此又有成規可仿做事苟成歲當減買舟費十之二節一歲之所有而用之卽足此後利益將永永無窮焉廣陵固多賢豪亦何憚而不爲耶且此固直指未竟之恩施也今改遷而猶未卽去其心殷然某雖卽開律以舊政必告之義已無可默况當日實親承風旨顧隱而弗宣委德意於草莽罪不綦重乎謹將確估尺丈并工價原摺移案惟執事圖之乾隆十六年十二月十七日

鹽法志 乾隆十八年鹽政普福奏淮南各場由東臺至泰壩舟行一百二十里河面廣濶并無緯道重運

東臺縣志

卷之十一

水利

古

遲滯各商情願捐銀二萬兩修築長隄并各場通運支河緯路一律幫寬添設板橋以資利涉二十三年鹽政高恒重修之更於對岸增築南隄六十餘里并設堡房堡夫專司巡守

嵇公隄

在縣治南嵇茶范公隄南雍正十二年邑民

周堯天等呈請總河嵇公會筠奏准築建自場東北小洋口起至場西北角斜界止長五千三百五十七丈形如半壁蓋嵇茶去海甚邇海潮泛漲雖有范隄不能捍禦故築夾隄爲防後人德之呼爲嵇公隄又夾隄中築短隄一道曰格隄

十八里河新築總圩 在縣治南門外由東南至梁梁
逕西出十八里河口繞北週圍五十四里計莊舍四
十八區仿照海州通州等處按圩分濬溝渠取土築
岸保障海潮西水之患其圍岸除運河舊隄修整加
倍外新築岸土約面寬三丈底寬五丈高低皆隨地
勢而成以足禦水爲度其夫工每畝捐錢三十文有
力者出錢無力者准以工代公議董事經理閱五月
工竣每遇春涸加修通圍溝口三十餘處相時啟閉
毋許毀塌嘉慶十二年士民王子章等呈請通詳在
案

按甘泉縣志溝洫導水宜於深廣圩岸禦水利在
高厚田旣處窪下各隨村落人戶多少四面築圍
使外水不得內侵遇淫雨積水於內又導之使出
誠鄉田同井之善規也隨時培補工費不少每年
由農戶自行按田起工

乾隆二十二年六月總督河道嵇璜奏爲敬籌湖
河宣導機宜疏略再查下河各州縣小港支渠不
可數計豈能普例興挑查康熙年間每歲令下河
居民挑濬渠港著有成效應請責成地方官於農
隙之時查明田閒水道有湮塞淺隘之處傳集里

民按照地畝辦理佃戶出力業主給食逐年開挑挑出之士卽堆成圩岸以護田疇是在有司善爲督率則地方日有起色每年將所挑各河造報督撫稽考數年以後庶渠港通達旱潦有備誠不易之良法也

橋梁渡口

玉帶橋 在南門內乾隆年建嘉慶二十一年重修

嚴家橋 在南門內市河東

馬公橋 在西門內大街以分司馬公會造故名嘉慶

九年邑人公修

東臺縣志

卷之十一

水利

十六

日暉橋 在東門內

潘家橋 在東門內邑人潘庠建

望海橋 在東門外包垣南明嘉靖年建萬曆十四年

徽商金萬易作板橋其子陵繼修

三竈橋 在縣治南七里康熙十一年僧人明朗造

二竈橋 在縣治東范公隄上

三里橋 在西門外市街

霜華橋 在北門外嘉慶四年周昌普建

挹翠橋 在瓜場東嘉慶二十一年邑人祝大亮修

章灣橋 在何梁米市口元至正年建

廣濟橋 一在何梁瓜場側 一在西溪鎮形如八字
亦名八字橋

丁公橋 在西門外慈濟寺前

彭家橋 安樂橋 俱在何梁米市

便民橋 一在縣治西門外又名新橋順治初邑人孫

華宇建甃以溥石 一在縣治南四十里新竈乾隆

五十三年修

北關橋 在何梁場市北范公隄上舟至撤板通之

東紅橋 在何梁竈河上乾隆五十八年邑人宣龍德
重修

東臺縣志

卷之十一

水利

七

西紅橋 在何梁竈河上與東紅橋對峙邑人呂宏遠
倡修嘉慶十四年其子俊繼修

海道口橋 在縣治西海道口兩岸砌石如闢平架木
板以為橋鹽艘至撤之而過

太平橋 一在縣治西門外 一在時堰鎮 一在秦
潼鎮嘉慶五年朱廷琛易以石

鳳昇橋 在西溪鎮 相傳天女與董永
別乘鳳而去故名

通聖橋 在西溪鎮護國寺前俗呼廟橋

義鄉橋 在西溪鎮亦因董永名

博真橋 在西溪鎮北西通博真河

通濟橋 在西溪鎮明正統年建

古二女橋 在西海團窰河上舊為二女捐建故名嘉

慶十七年商窰公捐改建石橋

東洋橋 西洋橋 俱在何梁窰河

青墩石橋 在縣治西南青墩莊 武廟前

利濟橋 一在秦潼鎮乾隆三年李日升易以石 一

在何梁中昏河嘉慶八年常國鈞朱繡丁士英建

環翠橋 在梁梁夾河上一名躍龍橋窰民顧整建天

啟中其孫時化修順治年徐鳴謙重建

薛家橋 磚石橋 新橋 俱在市河上

東臺縣志 卷之十一 水利 六

轉水石橋 一名濟世橋明仲禧建順治十三年程執

初重建康熙五年方鴻達修嘉慶十二年邑人程兆

楊修

東清橋 永康橋 新楊橋 俱在場東運河楊廸併

修

望海橋 苗家橋 韓家橋 俱在窰河上場人周樽

周自立仲禧周三孝次第建修 以上梁

盈寧橋 在安豐場南康熙十一年窰民朱應堯張日

登捐修整以磚石

王家橋 明王嘉令造順治二年王言絲修嘉慶二

年公修

通倉橋 太平橋 大使張雄建康熙四年張承信重

修嘉慶十九年公修

周家橋 明周自德建崇禎十年周鼎修

魯家橋 明魯繼塘建崇禎十一年魯一龍修

傅家橋 明傅本濂建康熙十一年傅允執修嘉慶二

十一年鹽商公修

吳家橋 明吳雲樓建順治十五年徐我遇重修今廢

西寺橋一名進寺橋 明吳一誠建順治十五年徐我

選修嘉慶十八年公修

東臺縣志

卷之十一

水利

九

高士橋 在吳家巷河西陋軒舊址前汪舟次太史題

名

便民橋 在三倉壩西邑人賈錦建

古石梁即北石橋 在減水壩西明王嘉令倡建嘉慶

四年海潮衝圯商捐重修

吳嘉紀古石梁詩場北夕陽多石梁宜登陟行人戀
景光去水無休息閒泳魚逐羣倒生草垂色樵牧慕
還家相逢
半相識

三思橋 亭民沈道復建大使胡憲修 俱在市河上

永興橋 萬家橋 順治五年萬明修

廟橋 康熙五年張承信修嘉慶二十一年鹽商公修

東寺橋 康熙五年徽商鄭大成修

東盛橋 牛橋 賈家橋 下竈河橋 湯港橋

倉橋 俱在竈河上 以上安豐場

通遠橋一名廟橋 場民崔堯林易板為磚石乾隆二十八年邑人吳城修

新葵橋 在場市街舊為板橋後甃以石

進賢橋一名磚橋 在場市街

上團橋 在場東商人張昇重修

南洋橋 在場東商人薛達修

北洋橋 在五竈薛達修

東臺縣志 卷之十一 水利 三

賈家橋 在場市中串場河內

便民橋 在便民倉東竈民崔佐建

九齡橋 西倉橋 中倉橋 東倉橋 俱在場市北

九竈橋 在范公隄上 以上富安場

中正橋 在運鹽河上白衣菴後邑人繆佶建有記今磚石圯易以木

通利橋 在場市中亦繆佶建續周雲門周奕耆重修

南橋 在場署前

紅橋 在佑聖寺前

龍王廟橋 在龍王廟前

通濟橋一名西橋 在壽聖寺前邑人王全孝修乾隆三十三年李天造等易以石

福緣橋 在鹽港口福緣菴前邑人繆中倡建

濟陵鎮橋 野馬口橋 俱在濟陵鎮

龍津橋 王家橋 俱在場南乾隆八年竈民周昇高等建

等建

十里橋 在西運河內

沿港口橋 唐家洋橋 老鸛嘴橋 俱在竈河以上
拼茶

場

大寧橋 在角斜舊場城隍廟左乾隆年修

東臺縣志

卷之十一 水利

三

市貨橋 在舊場城隍廟右

通便橋 康熙十年大使蔡樾同里人黃兆楨等捐建

復興橋 在運鹽河上嘉慶二年修

普渡橋 在范隄外嘉慶四年圯里人湯玉澄重建

紅橋 九里橋 中橋 俱在富家灘河之南北以上
角斜

場

大平石橋 在場市中

紅板橋 在義阡寺東

勝駕橋 在勝駕河崇禎十二年竈民馮天福修

永寧橋 一在勝駕河崇禎十二年竈民馮楊修

在小海團場民邵子正建

廣豐橋一名慶豐橋 在三賢祠前官河上竈民劉治

明修崇禎中楊宇重修尋圯場人楊大成募修乾隆
年馮印重修

劉福家橋 在孟家環劉福造

木橋 在沈家竈

潤澤橋亦名觀橋 在小海團西萬历年建後場人康

錫士重建

東寺橋亦名廟橋 在小海團東寺前 以上丁溪場

龍門橋即臥龍橋 在場市河上相傳劉裕曾避兵於

東臺縣志 卷之十一 水利 三

此

板橋 在西團龍王廟左

北橋 在場市中場人周瑄改建以石袁文耀又建修

永寧橋 在市河萬曆三十六年建今磬以石 以上草堰場

南閘渡 在縣治北十八里舊有橋橋廢為渡

馬家渡 在縣治南百六十五里距角斜場五里

總論水利

靳文襄公輔下河形勢說曰淮以南揚以北周圍千
百里澤國也運河貫其中東西一隄夾之西隄以西
為上河澤之所鍾舊有汜光白馬蟹社邵伯等十七

湖東隄以東爲下河澤之所鍾舊有射陽廣洋雞雀
淶洋淤溪等三十六湖上河西南接滁泗天長諸山
危岡斷隴起伏相續地形爲高水之所從發也下河
東北與海爲隣地形爲卑水之所洩也兩河均受水
患而下河尤烈何也上河西南受滁泗天長諸山溪
之水東注之下河下河受之下河西受上河所注滔
滔無窮之水東注之海而海不受非不受也海岸高
而朝宗之路塞故昔人譬之釜底也然下河以東山
陽則有廟灣鹽城則有天妃石礎興化則有丁溪白
駒寶應則有朦朧喻口其他鹽場村鎮小渠不可悉

記皆所以通湖水之出海者也沿海一帶長隄起於
廟灣蜿蜒三百餘里曰范公隄以障海潮之入河者
也沿范隄之旁南北有河一道曰串場河淮南諸商
運鹽之所往來也運河東隄中八十里曰平津堰明
初設立三十三淺淺有淺夫使之不時撈浚運鹽之
隄曰東河塘明初分爲十塘塘有塘夫使之隨時修
築統計下河之地不下三十萬頃爲田者十之四爲
湖者十之六當時隄工堅固疏浚得宜故水旱皆無
慮也

周洽竹岡日記云淮揚運河東隄之東一片窪區南

北三百餘里東西二百餘里當二十年前河道未壞之時雖各閘壩涵洞所洩之水俱歸此一片窪區之內而自有千支百派之河溝爲之分洩迨清水潭等工屢次潰決淮黃交注大水漫淹者十有餘載水溜之所衝風浪之所擊泥沙停積河埂削平而河溝盡墊矣自今新舊各閘壩涵洞之水源源洩下而無通流之溝河爲之分洩其勢不得不由卑窪之地淹漫而東七州縣之被淹猶昔也

徐旭旦治河輯要說曰水從洪澤湖而至山陽寶應高郵邵伯等湖復由滾閘建儀而下達於下河下河

地勢東高西下洩水入海不過三場之閘口而欲洩二百四十里之水非迂緩半載則不能退然水勢從北至鹽城新河趨朦朧由廟灣入射陽湖下海請將寶應縣北首舊有減水涇河黃浦二閘改置滾壩引水從射陽莊馬家蕩及青溝蝦鬚溝等河濬深入射陽湖如釜底抽薪可洩上河湖內之水三分再請速開高郵南北邵伯各閘可救下河數百里之民田廬舍也

宗觀海口說曰海口之說有三有未始不存未始不開而究歸於無益者則富安以至劉莊各場之海口

池有舊存二口今開其一而兼開之議不敵力阻之
議則鹽城之天妃石礎也有昔爲百川之利今不止
一方之害而畏難莫發則東海故道雲梯關之口也
請試言之各場之有海口視運河之有開口也運河
二百六十餘里之隄承二十四湖之水僅賴涇河開
以注海芒稻河以入江昔人知一綫之隄難恃也由
淮以至謝埭多設閘以洩之此洩之者安歸乎歸於
海而已維時海口之數一如開口之數有上流之洩
卽有下流之歸所謂行所無事者也顧閘所以洩水
今以之壅水矣洩所以防潰今非潰不洩矣方湖之

漲入運河也監河者惟慮漕隄之潰也又慮閘久木
腐洩未效而潰隨之也則堅閉之不知閉之益堅怒
之益甚於是閘全而隄不全矣水或沒隄而行焉閘
或開而不盡開禾已沒矣雖百海口無用也瀕海之
民擅灘外私田之利其啟閉亦如隄不盡沒民田不
放也是存不若廢開猶未開也鹽城二閘視子嬰河
之雙閘也其達海至速居人圖近利而湮往蹟天妃
口勢不可開矣然尙曰石礎之一口存也此猶得半
之說也若夫治上流必治下流此易知也湖逼淮以
敵黃淮挾黃以入海此易知也則未有望其入海之

迅而阻其入海之道者也今雲梯關是已以黃淮之
洶湧澎湃天妃閘所洩幾何惟恃清口以下有寬然
故道可行耳今黃之沙漲於南海之沙漲於北又防
海之木碁置其閒沙緣木而壅木附沙而固雲梯二
百餘里不谷而陵矣此當今之大患也及今不疏則
歸仁治矣高堰治矣黃與淮之入海何繇乎決安東
一日之計不得已之爲也安東賦稅縱不啻河工十
一而鹽河在焉淮北運道所必經勢不可棄也安東
不可棄淮黃無所歸不歲歲衝決四出而不已此利
害之至大易明者當事者猶躊躇顧慮而未之決則
何也

東臺縣志

卷之十一

水利

三

縣境東濱海北枕淮西阻泰壩南塞海安牙橋海
漲則傷竈而其倒灌也兼病民淮溢則傷民而其
歸洩也兼病竈此范隄之不可不固閘壩之不可
不修也古河口王家港爲淮流歸海之要津梓辛
河蚌沿河爲淮流歸海之引徑而東邑所分泰州
田畝又皆下河低窪之區水之來也宜洩稍遲則
停蓄爲害而來多去少來易去難嘉慶十年後漕
隄屢決汪洋數百里民幾爲魚此諺所謂未水先
淹也此海口之不可不暢引河之不可不深也若

夫西水不至海波晏然運鹽河有泰壩之阻串場
河有牙橋之塞新河楊昌河又久經淤墊南無來
水之源北多洩水之閘東南高而西北下惟資六
閘入孔家涵二百里外之緩流及海安百子橋涵
洞一縷之暗脉瀾洶之微易竭難繼平時不事蓄
蓄一遇雨澤愆期商競趕運民亟漑田不旋踵而
河底揚塵一縣赤地向之苦澇者俄轉而苦旱矣
故分縣後告旱災者十常七八此諺所謂未旱先
涸也此又運河串場河新河楊昌河之不可不挑
濬深通也深通矣更能於草堰一里墩建設閘坐
相時啟閉以固尾閘之洩導來源而防去委除水
害而收水利歲賦出焉民命繫焉書曰非知之艱
行之維艱是在關心民瘼者之次第經理而已